

## **CYNGOR CYMUNED MANORDEILO A SALEM**

### **CYFARFOD 13<sup>eg</sup> EBRILL 2016**

Cynhaliwyd cyfarfod o Gyngor Cymuned Manordeilo a Salem am 7.30pm ar y 13<sup>eg</sup> Ebrill 2016 yn yr Ystafell Ddarllen, Cwmifor.

#### **PRESENNOL**

Cynghorwyr Gwenfil Evans, Peter Harries, Doris Jones, William Loynton, Owen Williams a'r Cynghorydd Sir Joseph Davies.

#### **1. CROESO AC YMDDIHEURIADAU**

Diolchodd y Cyng. P. Harries i'r Cyng. Joseph Davies am gadeirio'r cyfarfod diwethaf yn ei absenoldeb. Croesawyd pawb i'r cyfarfod; derbyniwyd ymddiheuriadau gan y Cynghorwyr Alun Davies, Jill Davies, Dorian Jenkins ac Andrew Thomas.

#### **2. CADARNHAU COFNODION Y CYFARFOD DIWETHAF**

Cynigiwyd gan y Cyng. W. Loynton, eiliwyd gan y Cyng. O. Williams gyda phawb yn gytûn, bod cofnodion y cyfarfod diwethaf a gynhaliwyd ar y 9<sup>fed</sup> Mawrth, fel y maent wedi'u teipio a'u dosbarthu, yn gywir. Arwyddwyd gan y Cadeirydd

#### **3. DATGANIADAU O DDIDDORDEB**

Ni dderbyniwyd unrhyw ddatganiadau o ddiddordeb.

#### **4. MATERION YN CODI**

4.4.4.5vii) Mae'r gwaith o adeiladu hysbysfwrdd newydd i Gapel Isaac ar fynd; y gobaith yw y bydd yn ei le erbyn diwedd Ebrill.

4.4.12v) Mae gwybodaeth newydd wedi'i osod ar y wefan a dywedodd y Cyng. O. Williams fod y cyfrifon Face book ac Instagram wedi'u hagor. Gofynnwyd i bob aelod gael golwg ar y wefan a dod ag unrhyw awgrymiadau/cyfraniadau i'r cyfarfod nesaf. Clerc i roi'r Wefan yn eitem agenda ar gyfer cyfarfod mis Mai. Pawb/Clerc

4.10iii) Derbyniwyd llythyr o ddiolch gan Glwb Hoci Teigrod Tywi am y rhodd.

4.12i) Dim pellach i'w ddweud o ran dyfynbris i ailosod un panel yng nghysgodfan bysiau Caledfwlch.

5iv) Talwyd yr anfoneb am oleuadau llwybrau troed yn 2015-16.

9ii) Mewn perthynas â diogelwch ar gylchfan Ffordd Osgoi Llandeilo, cynhaliwyd cyfarfod ar y safle rhwng y Cyng. W. Loynton y Cyng. O. Williams, Cynghorydd Sir Edward Thomas a Dirprwy Faer Llandeilo Cyng. C. Jenkins. Yn dilyn y cyfarfod, mae'r Cynghorydd Sir E. Thomas wedi ysgrifennu at y Gweinidog unwaith eto'n codi pryderon a godwyd gan y Cyngor Cymuned ynglŷn â'r cyfyngiad cyflymder o 40mya a'r tyfiant uchel sydd ar y gylchfan ei hunan sy'n ei gwneud yn anodd gweld. Mae wedi gofyn i Asiantaeth Cefnffyrdd De Cymru archwilio'r safle ar unwaith a rhoi rhagofalon ar waith.

9iii) Ni dderbyniwyd ymateb hyd yn hyn ar farn Awdurdod yr Heddlu ar ddiogelwch ar y gylchfan.

11i) Gofynnwyd i Gyngor Sir Caerfyrddin (C.S.C.) glirio sbwriel yn y ffos wrth ymyl yr A40 ym Manordeilo yn ardal Gwestfa.

#### **5. GOHEBIAETH**

i) Cyfriflen Banc Lloyds dyddiedig 01/04/2016, Taflen Rhif 79, Gweddill £5,802.00

Nodwyd

ii) Cyfriflen Banc HSBC dyddiedig 15/03/2016, Taflen Rhif 308, Gweddill £571.49.

Nodwyd

iii) C.S.C. deunydd darllen parthed etholiadau Cynulliad Cenedlaethol Cymru a Chomisiynydd yr Heddlu i'w cynnal ar y 5ed Mai 2016.

Hysbysfyrddau/Neuaddau Pentref

iv) Llywodraeth Cymru parth Fframwaith Moesegol Llywodraeth Leol a'r offerynnau statudol newydd - Gorchymyn

Llywodraeth Leol (Cod Ymddygiad Enghreifftiol) (Cymru) (Diwygiedig) 2016 (Rhif 2016/84) a Rheoliadau Llywodraeth Leol (Pwyllgorau Safonau, Archwiliadau, Gollyngiadau a Chyfeirio) (Cymru) (Diwygiedig) 2016 (Rhif 2016/85) - daeth y

rhain i rym 1 Ebrill 2016. Cytunwyd y byddai'r Clerc yn anfon y Cod Ymddygiad Enghreifftiol diwygiedig at Gynghorwyr ar e-bost neu'r (post) a'i roi yn eitem agenda ar gyfer cyfarfod mis Mai i'w drafod a'i fabwysiadu. Clerc

v) SLCC, canllawiau drafft mewn perthynas ag archwilio allanol i gynghorau a chwblhau'r Datganiad Blynyddol. Cynigiwyd gan y Cyng. W. Loynton, eiliwyd gan y Cyng. Joseph Davies gyda phawb yn gytûn y dylai Mrs Wendy Phillips, sydd wedi gwneud gwaith fel archwiliwr mewnol i'r Cyngor am flynyddoedd lawer, gael ei hail-apwyntio; Clerc i weithredu a pharatoi'r dogfennau angenrheidiol. Nodwyd nad yw pecyn y datganiad blynyddol wedi'i dderbyn gan archwilwyr Grant Thornton. Clerc

vi) Un Llais Cymru, gwybodaeth am gyfarfod pwyllgor ardal, hyfforddiant, canllaw trosglwyddo asedau cymunedol a Chylchlythyr Cyfoeth Naturiol Mawrth 2016.

vii) Gwahoddiad Ffederasiwn CFfl Sir Gâr a dau docyn i'r Rali Flynyddol.

viii) Kidney Wales Cymru, Cerdded am Fywyd.

Nodwyd

ix) Age Cymru Sir Gâr, cais am gefnogaeth ariannol.

Chwef 2017

x) Clwb Criced Llanwrda, cais am gymorth ariannol.

Chwef 2017

## 6. GOLEUADAU

Mae C.S.C. wedi derbyn adroddiad bod golau stryd â nam arno yn Ger Y Llan, Cwmifor. Clerc i gadarnhau nad yw'r Cyngor yn gyfrifol am oleuadau ar ystadau preswyl. Clerc

## 7. LLWYBRAU TROED

Dim i'w drafod

## 8. CYNLLUNIO

i) Doedd yna'r un cais newydd wedi'i dderbyn.

ii) Mewn perthynas â Chais E/32714, Grufudd Stables, Dol Y Bont, Capel Isaac, Llandeilo SA19 7UA, derbyniwyd hysbysiad gan yr Arolygiaeth Gynllunio fod yr apêl wedi'i wrthod.

## 9. CYFRIFON I'W TALU

i) Ystafell Ddarllen Manordeilo, Llogi Neuadd, Ionawr, Chwefror a Mawrth 2016, Siec Rhif 1174	£30.00
ii) Mrs J. Davies, Cyflog y Clerc Ebrill 2016 a threuliau, Siec Rhif 1175	£423.59

**CYFANSWM £453.59**

## 10. UNRHYW FATER ARALL

i) Nodwyd fod y tyrbîn gwynt wedi'i osod yn Salem ac y byddai'n dechrau troi yn yr wythnosau nesaf. Bydd y gymuned yn derbyn un taliad o £15,000 ac wedi hynny £2,000 y flwyddyn ond ni fydd hwn ar gael ar unwaith. Rhoddir yr arian hwn i brosiectau amgylcheddol/gwyrdd.

ii) Adroddwyd am y difrod i dderbynnydd ffôn ym mwth teleffon Penybanc i BT; dywedwyd y byddai peiriannydd allan ymhen ychydig ddiwrnodau.

iii) Nodwyd gyda diolch bod aelod o'r gymuned, Mrs Sarah Jones yn codi sbwriel yn rheolaidd yng Nghwmifor; Clerc i ysgrifennu llythyr o ddiolch. Clerc

iv) Adroddwyd am ddigwyddiad o daflu sbwriel yn anghyfreithlon ar y ffordd rhwng Penybanc a Salem rhwng Cwmgerwn a Llwydcoed; Clerc i ofyn i C.S.C. i weithredu ar hyn. Clerc

v) Mewn perthynas â chyflwr gwael y blwch postio yn Heol Rhosmaen Llandeilo gafodd ei grybwyll yn y cyfarfod diwethaf, mae'r Cyng. Joseph Davies wedi bod yn siarad â'r Cyng. Edward Thomas am hyn sydd eisoes wedi adrodd am gyflwr y blwch postio i'r Post Brenhinol ar ddau achlysur. Yn dilyn derbyn copïau o'r ohebiaeth gan y Cyng. E. Thomas, mae'r Clerc hefyd wedi ysgrifennu at y Post Brenhinol yn gofyn iddynt wneud gwaith ar y blwch postio; nid oes ymateb wedi dod hyd yn hyn.

Gan nad oedd unrhyw fusnes arall, diolchodd y Cadeirydd i bawb am fynychu a daeth y cyfarfod i ben am 8.45pm.

.....11<sup>eg</sup> Mai 2016  
CADEIRYDD